

Powšitkowne WOZJEWJENJA

njedźelu, 1. nowembra 2015

Swjedźenski tydźeń k znowawotewrjenju Budyskeje tachantskeje cyrkwe

K zakónčenju dwulětneho wobnowjenja ma so Budyska tachantska cyrkej swjateho Pětra z ekumeniskej Božej službu sobotu, 14. nowembra, w 17 hodź. znova wotewrěć. Pontifikalna Boža mša ze starobiskopom Joachimom Reineltom budže njedźelu, 15. nowembra, w 9 hodź. Samsny dzeń we 18 hodź. wuhotuje tachantski chór duchownu hudźbu. W běhu naslědneho swjedźenskeho tydźenja su mjez druhim dalše Bože služby a koncerty duchowneje hudźby planowane. Zajimcy změja wšědnje tež składnosć, sej wobnowjenu Boži dom we wěstych časach wobhladać. Z předstajenjom „Messiasa“ Geoga Friedricha Händela njedźelu, 22. nowembra, w 16.30 hodź. w Marije-Marcinej cyrkwi swjedźenski tydźeń zakónča. Cyłkowny wobšěrny program je na internetowej stronje pod www.posol.de wozjewjenu.

Koncert w putniskej hospodze

Na swjedženju Wšěch swjatyh njedźelu, 1. nowembra, w 17 hodź. su wšitcy zajimcy na njewšědny koncert w Chróšćanskej putniskej hospodze přeprašeni. Młoda spěwarka z Pětrohrodu Tatjana Bogomolowa zanjese na tutym wječoru meditatiwne ruske a słowjanske spěwy kaž tež wokalnu improwizaciju.

Koncert duchowneje hudźby w Chróšćicach

Drježdźanski chór „Vocalitas Nova“ wuhotuje njedźelu, 8. nowembra, w 17 hodź. w Chróšćanskej farskej cyrkwi duchowny koncert. Wón zanjese liturgiske a duchowne chórowe twórby wot baroka hač k romantice. „Vocalitas Nova“ su młodzi něhdyši Drježdźanscy kapalnicy a krucianojo kaž tež spěwarki z Drježdźan a Lipska. Wšitcy su wutrobnje na naročny koncert duchowneje hudźby přeprašeni.

Zhromadny dzeń přenjowoprawjenske džěci

Dekanatne dušepastyrstwo přeprašuje wšitke džěci, kotraž so na přenje swjate woprawjenje přihotuja, na zhromadny dzeń pod heslom „Cool kadla-fecich holca“, srjedu, 18. nowembra, wot 9.00 do 15.00 hodź. do Njebjelčic. Započatk je z Božej mšu w cyrkwi. Zajimcy njech so prošu hač do pónđzele, 9. nowembra, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždého wobdžělnika přinošk, kotryž wučinja štyri eura.

Mandźelske seminary 2016

Terminy mandźelskich seminarow klětu w Smochčanskim Domje biskopa Bena su 12./13. februara, 26./27. februara, 22./23. apryla a 25./26. nowembra. Přizjewić měli so zajimcy pisomnje pola Dekanatneho dušepastyrstwa, Młynski puć 4, we 01920 Worklecach. Formulary k tomu su w cyrkwjach wupožene.

Čěkancam pomhać

Akcija TCM „Łužica pomha“ prosy wo wěcne dary

Wo džěćace wozyčki, zymsku drastu a črije prosy Towarstwo Cyrila a Metoda z.t. (TCM) ze swojej akciju „Łužica pomha“ za čěkancow, kotřiž buchu we Łužicy zaměstnjeni. Po wjacorych naprašowanjach, hdže móhło so pomhać, bu TCM na to skedźbnjene, zo by so w Biskopicach na Čerwjeny křiž wobroćilo. Tam zdžěli dispatcher Torsten Haufe, zo trjebaja w Biskopičanskim přebytku za čěkancow předewšěm džěćace wozyčki, „dokolž přichadza wjele džěći sobu. Nimo toho je zymska drasta za džěći a dorosćenych, za muži kaž za žony, trěbna. Tež črije we wšěch wulkosćach trjebamy za nich.“ Zdobom skedźbni na to: „Hrajki lědma hišće trjebamy, dokelž smy jich hižo jara wjele dóstali.“

Wotedać móža so dary w běrowje Čerwjeneho křiža w Biskopicach, Póckowska dróha (Putzkauer StraÙe) 12 stajnje wot pónđzele hač do štwórtka wot 9 do 11.30 hodž. kaž tež wutoru wot 13 do 16 hodž. Dale hodži so pod telefonowym čisłom (0 35 94) 70 31 34 indiwiduelnje wujednać, hdy móhli so dary nimo toho wotedać. Radžomne je, zo sej wjacori zhromadnje dojednaja, dary do Biskopic dowjezć. Čerwjeny křiž je potom tak spěšnje kaž móžno čěkancam posrědkuje.

„Jězus namołwja kóžděho, kotryž so k njemu wuznawa, so wo blišeho starać. Při tym njehrajetej nabožnosć abo narodnosć žanu rólu, kaž wón to w přirunanju z miłosćiwym Samaritanom wuraznje wuzběhny“, rjekny předsyda TCM Jurij Špitank a prosy, zo bychu wěriwi w serbskich wosadach swojemu křescanskemu nadawkej wotpowědowali. KP